



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj: JN1-16-4-2-11/21
Sarajevo, 17.03.2021. godine

Na osnovu člana 69. stav (2), tačka d), člana 70. stav (1), (4) i (6) Zakona o javnim nabavkama BiH ("Službeni glasnik BiH", broj 39/14) i Preporuke komisije za javnu nabavku broj JN1-16-4-2-10/21 od 17.03.2021. godine u postupku javne nabavke robe pogonsko gorivo, mazivo i dopunski asortiman, v.d. direktor Agencije za statistiku BiH donosi:

ODLUKU
o poništenju postupka javne nabavke

Član 1.

Poništava se postupak javne nabavke robe pogonsko gorivo, mazivo i dopunski asortiman iz razloga što nijedna od primljenih ponuda nije prihvatljiva, u skladu sa članom 69. stav (2), tačka d) Zakona o javnim nabavkama BiH ("Službeni glasnik BiH", broj 39/14).

Član 2.

Za izvršenje ove odluke zadužuje se i ovlašćuje Sektor za opće, pravne i računovodstvene poslove Agencije za Statistiku BiH.

Član 3.

Ova odluka objavit će se na Web stranici Agencije za statistiku BiH (www.bhas.gov.ba), istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: JN1-16-4-2-1/21 od 22.02.2021. godine.

Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke bez PDV-a je 17.094,00 KM. Obavjest o nabavci broj: 11-7-1-7-3-3/21 poslata je na objavu i objavljena na Portalu javnih nabavki dana 23.02.2021. godine.

Poziv za dostavu ponuda je prosljeđen slijedećim ponuđačima (istovremeno sa slanjem obavještenja o nabavci na Portal javnih nabavki):

1. "HIFA PETROL" d.o.o. Sarajevo
2. "HIFA OIL" d.o.o. Tešanj
3. "ENERGOPETROL" d.o.o. Sarajevo

Komisija za javnu nabavku imenovana je Rješenjem broj: JN1-16-4-2-2/21 od 22.02.2021. godine.

Komisija za javnu nabavku dostavila je dana 17.03.2021. godine Zapisnik o ocjeni i analizi pristiglih ponuda broj: JN1-16-4--9/21 od 17.03.2021. godine i Preporuku o poništenju postupka javne nabavke broj: JN1-16-4-2-10/21 od 17.03.2021. godine u postupku javne nabavke robe - pogonsko gorivo, mazivo i dopunski asortiman.

U postupku po Zapisniku o ocjeni i analizi pristiglih ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 2;
- da su blagovremeno zaprimljene 2 ponude i to: "HIFA PETROL" d.o.o. Sarajevo, i "HOLDINA" d.o.o. Sarajevo ;
- da nije bilo neblagovremeno zaprimljenih ponuda;
- da ponude ponuđača "HIFA PETROL" d.o.o. Sarajevo i "HOLDINA" d.o.o. Sarajevo nisu prihvatljive iz slijedećih razloga:

Komisija je uvidom u ponudu broj: HI3.1-4-241/21 od 05.03.2021. godine ponuđača „HOLDINA“ d.o.o. Sarajevo konstatovala da dostavljena izjava iz člana 52. Zakona o javnim nabavkama BiH nije u skladu sa tačkom 4.2. stav c) tenderske dokumentacije za predmetni postupak javne nabavke. Naime, pomenutom tačkom TD je traženo da navedena izjava treba da bude potpisana od strane lica ovlaštenog za zastupanje subjekta (lica navedenog u aktuelnom izvodu iz sudskog registra), a što je traženo u skladu sa Rješenjem Ureda za razmatranje žalbi BiH / podružnica Banja Luka, broj: JN2-02-07-1-686-6/20 od 09.04.2020. godine. Priložena izjava iz člana 52. ZJN BiH u sklopu ponude ponuđača „HOLDINA“ d.o.o. Sarajevo je potpisana od strane punomoćnika što je u suprotnosti sa traženim uslovom iz tenderske dokumentacije i Rješenjem URŽ-a BiH prema kojem *„punomoćnik ne može u ime direktora, pod punom materijalnom, krivičnom i moralnom odgovornošću izjaviti da direktor, kao zakonski zastupnik ponuđača, nije u konkretnom postupku javne nabavke učestvovao u koruptivnim radnjama“*.

Komisija je prilikom pregleda i analize ponude ponuđača „HIFA PETROL“ d.o.o. Sarajevo broj: JN-913/21 od 24.02.2021. godine također utvrdila kao i kod ponude ponuđača „HOLDINA“ da dostavljena izjava iz člana 52. Zakona o javnim nabavkama BiH nije u skladu sa tačkom 4.2. stav c) tenderske dokumentacije za predmetni postupak javne nabavke. Naime, ista je potpisana od strane punomoćnika što je u suprotnosti sa traženim uslovom iz tenderske dokumentacije i Rješenjem URŽ-a BiH podružnica Banja Luka, broj: JN2-02-07-1-686-6/20 od 09.04.2020. godine.

Nadalje, u postupku ocjene provedenog postupka v.d. direktor Agencije za statistiku BiH nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke komisije za nabvku.

U postupku je utvrđeno da je Komisija u svemu pravilno postupila, te da je preporuka o poništenju postupka nabavke data u skladu sa Zakonom, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da nijedna od primljenih ponuda nije prihvatljiva, čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2), tačka d) Zakona o javnim nabavkama, odlučeno je kao u članu 1. ove odluke.

Pouka o pravnom lijeku: Protiv ove Odluke može se izjaviti žalba najkasnije u roku od 5 (pet) dana od dana prijema ove odluke. Žalba se podnosi ugovornom organu Agencija za statistiku BiH, ul. Zelenih beretki 26, 71 000 Sarajevo.



Dostaviti: - *Ponuđačima*
- *Web stranica*